

Aduertencias para

Clavis autem scientiæ dicitur potestas & auctoritas Sacerdotis quam habet ad cognoscendum in confessione omnia peccata, iã occulta quam manifesta, idest auctoritas qua potest Sacerdos peccatorem compellere vt sibi manifestet omnia peccata. De qua re satis differunt Doctores in 4. in materia de Clauibus, dist. 20. 21. 22. &c. Potestas autem iurisdictionis [quæ simpliciter est necessaria, & requisita ad absoluumdum aliquem a peccatis] potest haberi dupliciter. Vno modo ex officio : alio modo ex commissione illius qui potest committere. Ex officio habet hanc potestatem primo Papa qui est Christi Vicarius in terris super omnes Christianos, nullo excepto. Deinde habet hanc potestatem vniuersi Episcopi, vnusquisque supra suam Diœcesim seorsum & sigillatim. Tertio loco habent hanc potestatem vniuersi Plebani seu Parochi supra suas particulares Parochias, vel Ecclesias sibi commissas particulares. Igitur vniuersi alij confessorij qui non pertinent ad aliquem horum trium iurisdictionem debent accipere & petere, scilicet à Papa vel ab Episcopo, vel à Plebano. Hi enim tres tantum possunt illam committere, vnusquisque respectu suorum subditorum.

1 ¶ Secun-